

學

福

齋

詩

集

學福齋詩集卷二十九

雲間 沈大成 學子

竹西詩鈔

超果寺中蛇神廟向有綠萼梅一株花時遊者頗
盛丁亥初春自揚返舍攜友往觀已爲僧鬻矣感
題於壁以諗寺僧

埽地猶忘帚寧知花有無玉龍去何所我欲問蛇奴

二月二日舟泊魏塘訪查香雨

春雨細絲絲論心把酒卮說經衷鄭志譚莪訂蘇詩

香雨

重校刻初白先生蘇詩註

茶磨荒前約

香雨別業在石湖

龍泓恐後期

余將往游

龍井
念念起舵去隣寺晚鐘時

曹六圃梅花壽藏詩

趙岐營生壙其意高千秋功名等芻狗歲月同蜉蝣要
須立高節勿貽先人羞不然直草木何以別薰蕕曹兄
今作者古文班范儔窮老嗜經史笑傲輕王侯閉門久
却埽奉親甘林邱慈山何垚垚慈竹何脩脩近在邑郊
陬手自營菟裘老梅環籬落方碑立道周我來春將半
瑤花開漸稠細雨增寂寞寒香致綢繆裴回爲題詩且
維沙邊舟

過禾錢宮傳留飲樂順堂拈爲此春酒以介眉壽

分韻得春字坐客則宮守陂虛谷溧陽史午山銅
梁王士會鎮之兄弟漢陽李允中也

丁亥二月舳艫舟南湖濱雨過泥滑滑躡屐踵平津主
人聞客來呼童敷芳裯爲我泛醇酎爲我招嘉賓三爵
俱陶然譚莼氣益振酒酣起質疑大樂叩鐘鐸台斗吐
光爛泰山仰嶙峋願如檐前梅年年來賞春

初至篁巷作

弛擔依僧住梅花香已盈循牆詩句好

謂張二叔田及家玉樵姪入

坐笑言清

同寓皆吾鄉人

急雨蕭蕭下深杯細細傾充囊詩數

卷不道客裝輕

張無夜過訪贈詩卽次奉答

邗上題襟忽判年重逢話舊倍譔然僧房細雨梅開候

江路輕寒客到天好向法筵參活句

時將往南屏訪恒公閑尋幽

澗聽流泉

汪秀峯約游龍井

與君同有烟霞癖共上西湖渡口

船

汪秀峰聞余至卽遣輿邀飲

良友意何厚遣輿叩戶迎春寒催雨至道滑少人行話
舊添離緒論文起古情今宵寧惜醉堅坐忘深更

萬近蓬過

窗雨鳴不歇僧寮正坐愁故人隔歲別載酒話前游細

草沿荒徑輕寒攬敝裘西溪梅漸放約買水邊舟

宿焚公房

又下僧寮榻春寒畏似冬窗前一片月枕上幾聲鐘零

落悲前侶

謂傅金丁
施諸公

衰殘憶舊容

禾中陳君蘭圃爲
余寫西溪探梅圖

花仍好在屈鐵蘚痕封

自題西溪探梅圖卽次慧日峯主韻

憶昔遊西溪一去迹便埽今茲偕善友樹底喜重到幽
境堪鳴琴禪機匹破竈放丹青瑤流卅里花光繞啁嘈
春禽呼翻飛似前導置身香海中惜少玉觴倒濛濛冒
白雲下上眩素縞泠然微風生數片墮巾帽歸來寫爲

圖浩倡驚懸瀑支郎本多聞勝因曷以報自笑山野姿
也復從歎傲次公爲圖復題詩

萬峰訪嶺雲長老

策杖懸厓訪道林萬竿濕翠一菴深山腰幽籟飛清響
湖面春雲弄夕陰積載江東勞問訊竭來硯北快聯吟
雨多新筍駢頭未爲我呼童攜甬尋長老留余共飯

指南善友經行觀樹圖

空谷寂無人松杉翠猶濕白雲住不飛流泉互相答一
衲何方來睢盱動眉睫攝受由此心而乃從見入象表
揮根芽言下埽枝葉始知旃檀林可得祇洹法吾聞龍

樹王婆娑閱千劫欲笑伊蘭流失足墮淨業

汪秀峰招遊龍井與嘉興陳蘭圃同里吳東園以
水流花開分韻得水字

崎嶇度幽篁一磴曉烟裏猶憶往年來寒碧已交倚長
垣走層厓樓閣陵雲起何時煩皇媧萬石紛填委瓏玲
洵爲奇怪醜亦可喜峰筍立林林環玦碎齒齒盤旋矴
若連拳豁洞尤危前行景更佳琴筑出瀑水初覺聲猶
微漸乃聒人耳飛流下回溪齋淪而渺瀰我聞昔辨才
說法曾憩此三藏貝葉文一一探元指斯人今則亡龍
泓徒清泚急風吹日昏湖樹望如薺春寒欺客衣且共

進醇醴

過花港有感

參差池館石橋西，壞壁猶應有舊題。誰料扶筇重過此，

夕陽門巷亂雅嘯。

潘敏惠公守藩日余每出遊皆宿於此

焚公放參圖

齋鐘聲初沉，芒屨信所往。恰當梵放後，萬象入俯仰。冥
心息諸緣，何分景罔兩。偶然拈句吟，衆山皆爲響。豎指
還貫花，飯鳥常在掌。緇白羣相依，如盲而得杖。栽栽慧
日峯，白雲接莽蒼。良哉大導師，願力抗龍象。

春樹灣訪江玉屏，值其歸揚留詩懷之。

詞客移家借一枝數間茆屋俯清池思家延佇中庭月
懷友婆娑滿壁詩李善選樓傷昔夢邠成分宅感新知
馬塍花發君偏去何日重尋把酒卮

家恪亭弟以撫琴聞雁圖索題先述鄙懷次叙本
事遂成二首

一別忽卅年重遇西湖畔回憶輦下時歲月若流電奔
走各異方寂蔑荒書翰令弟楚中去遠夢隔湘漢余晚
客淮南近暫返里閭自歎直轉蓬生理亦汗漫拊迹雖
支離顧影幸老健握手話舊遊華嚴宛未散

古之有情者端自人倫始三商禮旣成百年定於此誰

知水絲絕芳塵暗綠綺孤飛感征鴻潛然流清涕攬筆
寫爲圖庶幾託哀誅望廬而入室悲痛何能已俯仰失
恒河解脫卽華海因緣本幻合奉倩悼可止

九原丈人石碣歌

有序

余往客武林假館吳山之天開圖畫閣偶過火
德廟外有短碣面錢江而立鐫字隱隱曰九原
丈人者徧詢土人無知者或漫舉蒿里丈人對
蓋以九原不作意之及攷志乘皆失載悶然於
胸久矣昨歲讀東方朔十洲記始知九原丈人
主領天下水神及龍蛇巨鯨陰精水獸之輩蓋

當時立石於此鎮厭錢江水怪猶蜀之三石犀
耳廿年積疑一旦頓釋今來重過扣石而歌用
備掌故

壤垣蜿蜒荒蘚紅有碣僵立蒼烟籠上鐫九原文人字
其跌半陷泥土中石不能言世莫識往來過者徒太息
詢諸勝士謝不知退攷山志賸無辭昨紬方朔十洲記
一釋積載胸中疑十洲方丈真仙宮揮霍雷電驅羣龍
瓊田芝草盈萬畝石泉雲際鳴淙淙丈人所主天下水
陰精躡走神鬼故假其名鎮錢江要使安流到滄海
馮夷擊鼓陽侯舞種前胥後推潮去年年刳豕祭水神

雲旗白馬若可覩人生讀書苦不多見聞寡陋可奈何
卽看三尺路傍石老來方辨流傳訛

問吳甌亭疾

丈室維摩疾漳濱公幹詩致令遲握笑未得話相思山
笋將盈市江梅已滿枝幾時遊別墅爲我滌瓊卮

疑齋弟自宦浙東不晤已久近適至杭雨中邀集
爲長句

頻年間何濶幸此一尊同相逐紅顏日重逢白髮翁宗
祊欣繼緒

弟近葺先
文恪祠

身世感飄蓬苦愛淙淙雨軒車未

卽東

弟將歸天台
以雨未發

梁午樓招集木雁齋同汪槐塘吳西林徐南徐曹
莖九以幾生脩得到梅花分韻得花字卽以賦別
初霽道猶滑衝泥尋梅花遂入庾信宅春禽喧牕紗階
除錯蠟屐火前試乳茶邂逅得勝引喝于多方家抽帙
辦理董吐詞回淫哇妙墨發玉采高文拂雲華此會洵
可樂堪爲歸鄉誇

是日西林講小學槐塘述近作及觀
戴鸛亭先生畫冊主人秋草倡和詩

況更賢主人實爵泛流霞斯須鵝炙熟容易駒景斜晚
風吹客鬢嚴城咽軍笳明當理歸楫回首天一涯

秋草和梁午樓孝廉韻四首

荒城晴翠偃西風也與飛花感慨同過客回車紅日晚

王孫停騎碧雲空最憐漸短平疇外漫憶橫鋪野水東
滿地寒烟霜信近驚它急節去匆匆

池塘舊夢記依稀露重風低牧未歸有意沿緣痕尙在
無端滋蔓迹全非可能成結遮人路猶得爲螢點客衣
河畔青青凋欲盡野田黃雀作羣飛

遠芳曾惹美人憐陌上空嗟墮寶鈿書帶幾叢還染綠
羅袞一幅欲成烟高樓望斷沉殘笛絕塞心驚過半年
何必陳芳添宿恨吳宮風雨葬嬋娟

翻從枯瘁憶芳華秋老薜蘿念落花門外萋迷殘屐齒
塚邊哀怨入琵琶白沙半濕蕭蕭雨紅樹遙連段段霞

一種閑愁消未得不知遠志屬誰家

題林寓塵晴雪圖卽用張無夜韻

紙窗已無聲林表凍殘雪寒雲漏晨光清氣滿蓬室炙
硯起欲吟衾冷猶如鐵蚤梅苞未舒饑雀噤猶咽一白
接遙青重湖鏡乍拭因之悟空明抖擻足道力高人若
可親靜境邈難卽想見深山中踏殘樵蘇迹西風吹屋
檐數片墮巾幘可容乘舟來滿嚼論淨業

過訪鄭兄文園知其自豫章轉入滇五年矣留詩
一篇并示女弟子如璋

野水環綠畦依然舊門巷

胡絳切

良人久不歸昔邪滿甌

輒歛衣拜堂前病起心猶痛篝鐙課兒書作文已驚衆

兒長娶有妻米鹽仍自綜蕉萃首飛蓬常懸萬里夢昆

明在天南瘴雨暗菁峒往添跋涉愁近罷烽烟恐

莽獠蠢動

王師討平片札動經年啟函悲喜共生計寧忘難遊興亦太

縱妾身分所甘豈敢滋怨恫蓐食舂穀皮晨炊摘菜蕪

欲免一家饑遑覺十指東健哉此賢婦足爲姬姜風

方鳳

切請舉東山詩遙寄吾友誦

留別槐塘卽和木雁齋餞別原韻

吾友宿詞伯江南第一流揮霍驅墳素脫畧忘公侯橐

筆入吳楚懷鉛歷粵甌或下徐孺榻常登王粲樓往者

應大科

天子側席求夜光雖偶遺聲譽動九州紛吾遇津門班
草相呶嚙醫王爲發藥蹠熱無不瘳天厨之所飫歛箸
廢庶羞亦欲奏薄伎柴棘撐我喉敢牘屈賈壘卷甲行
矣休自從閩中別曾向湖上留廿年客逆旅一笑仍同
舟昨蒙羣公餞長牋承枉投搦管千花明游刃八極周
名酒爲我餉蓐食爲我謀春陰瘖蟄雷尚少山笋抽曉
風挾峭寒開箱尋敝裘十日九雨雪可怨東風不切
入夜更昏黑怪鴟鳴屋頭荒菴鐙如豆吟罷竹脩脩
留別荔帷卽和木雁齋餞送韻

握手歎久別忽忽年矢催津梁旣勞瘁僕馬亦虺隤今
夕是何夕高齋得追陪行理江上檝且銜鐙前杯憶昔
山澤游竊慕王與裴重湖泛空碧兩峰踏崔嵬富貴等
草露遇合皆鵠媒我輩志在古背影叢凋哈視彼營營
者腐鼠良足哀友道一以固耦居何嫌猜雲龍遠相逐
磁鐵逢難開殷勤致折柳容與惜落梅逆旅竟三宿荒
寺罕萬回賴有投贈多歸裝鬪瓊瑰

學福齋詩集卷二十九終

學福齋詩集卷三十

雲間 沈大成 學子

竹西詩鈔

題家大山七十小影卽用自壽韻

風吹湖上春草綠竹杖鏗然駐芳躅手攜近寫松竹圖
七十老翁意超俗曾來靈竺稱寓公仍返吳淞卜幽築
篋中收藏積鼎鐘筆底飛翻落珠玉曷藉功名始得傳
應知老健卽爲福龍湫雁蕩賞旣奇嵩洛衡湘游未足
數卷偶鈔陶謝詩半粟寒鐙指眼讀憶自分張忽十年
俯仰浮生真錄錄惟有丹鉛與老堪轉覺湖山投我欲

伊昔荒唐慕漆園到今枯寂歸乾篤且向荒菴埽几榻
共把深杯傾鄙渌老友胡子喜好在故人陸生嗟臯復
胡吟鷗仍老壽陸北堂聞已卒矣可憐忿促成螻蛄何必紛紜競梁肉

我兄黼我爲題詩豈知材退我胸縮枯腸搜索不成章
墨痕狼藉徒滿幅生涯流轉指蓬根世事反覆同棋局
失笑彭錢直小兒罔明出定思之熟若過恒河問匿王
還汝廬山真面目

石門馬約堂邂逅僧舍辱遺二詩口占奉答

握手僧寮恨見遲晚鐘乍歇雨絲絲它年莫忘班荆話
細柳如烟壓帽時

完玉牽蘿志不磨宗祏一綫倚青娥欲傳孝義追班范
似此芳踪古不多

先生乞爲縣中
聞孝女作傳

題石門聞孝女醉鶴樓遺詩後

萬里滇南侍二親棣華彫謝更酸辛卅年不字深閨裏
此是梅花香界人

綠鬢完貞到白頭寒機宿火幾春秋遺詩字字含霜雪
何似蘼蕪寫遠愁

題高密宮守坡高格圖

嬉春放舟去信宿留西溪忽墮雲端翰披圖覲清姿愛
梅同我癖衝寒行遲遲空山雪如絮上下撲人飛簞簫

壓欲折棕櫚積已堆宮侯夙詩將筆力却熊羆流傳數
百篇陶謝相攀追今茲探幽境春風動吟髭況更瑤林
中胎禽何皚皚小橋流水外彌望自無涯浮邱非我侶
姑射非我思清氣人俯仰可以銜瓊卮

題陸古漁春林偶漁圖

春水西湖綠似油湖中阿子作羣游底須笠澤尋漁具
更著蓑衣上釣舟

遠山踈樹小橋西一片斜陽向客低持取綸竿沿岸去
桃花開徧白沙隄

贈汪漁亭比部兼以寫別戲用唐李文山韻

先生淡蕩人所耽惟詩酒武林多勝流僂指爲稱首譚
莢啟贖顰驚若鯨鐘吼一自請急返撰述不停手公翰
居漳濱子真在谷口潛心六籍中折節羣賢後當其與
酣時斜影忘戶牖所以發爲文錯落燦星斗紛吾造書
堂願結同心友因觀籥風雲自愧銜囊藪不知山澤游
許共弦觴否春紅染小桃逆旅淹已久且束襜被行仍
持竿木走絲絲雨濕衣折盡河橋柳

別龔深甫

宿從篇翰結心知著屐衝泥叩戶遲可耐登堂相見日
已將起柁欲行時市橋春冷花如睡客路天低雨似絲

此去臨平山下過倚蓬翦燭讀君詩

過臨平作

桐扣山前客倚舟濕烟初歛水雲愁幾家矮屋平橋外
人語禽聲聒未休

遠山似逐行人走野鳥還因過客飛一路漁榔聲不斷
夜來網得鱖魚肥

山澤行吟興有餘塵緣難斷返鄉閭勞他津吏殷勤問
來往惟攜一卷書

京洛分張廿載中令原回首幾春風前村沽得茅柴酒

爛醉蓬牕雨禿翁

謂澄心大兄

夜過長安壩

地黑月未出天星散微明客到夜將半遙聞喧呼聲曰
此長安鎮有壩截去程越之方得下其勢若建瓴正當
水渴候前後船皆停一夫引長絙爲繫轆轤端蜿蜒走
河流回環縛船身邪許集羣力偃僂來多人船頭低昂
進船尾輾轉頻逡巡過其脊一落隨風湍客行臨安道
往來殊苦艱旣過且酌酒挑燈相爲歡

家澄心兄舟中偶述西征爲賦四首

萬里從軍去西征出玉門黃沙千帳失白日一天昏浩
蕩忘甌脫侏僂笑可敦

聖朝威德遠脩貢到烏孫

炙割羊羔白杯傾馬湏紅倚鞍頻作檄會獵亦張弓彌
望無纖草終年有烈風秋來河欲凍都護自臨戎

宿師連五郡大府控三邊

兄往在黃文襄幕府

北斗翻回望南山

卻遠連沙深馱足陷冰厚馬蹄穿屬國皆編戶巡行每
判年

可愛蒲陶酒玻璃凍半杯化人天外至神馬海中來夜
靜邊聲動秋高笳吹哀張騫歸已老回憶亦雄哉

嘉禾道中

一鷺拳沙尾雙鳩鳴屋頭又看蠶事起漸覺柳陰稠游

興老寧倦吟情醉不休南湖此去近弭棹好登樓

與家澄心兄同登烟雨樓作

平湖如鏡雨初收兄弟扶筇到上頭樹色依微開晚照
楊聲鴉軋過漁舟寂寥客緒思沾飲料峭春寒欲攬裘
回憶廿年前舊夢白雲仍在水空流

壬戌夏曾陪太原王公登此

斜塘

過都莫笑退飛鶴出險還驚倒拔蛇何似斜塘風水惡
家園咫尺抵褒斜

張西圃飛鴻堂梅花邇年益盛今春枉駕屢邀而
余在湖上歸始知之因呈長歌

我性愛花猶愛梅一看一飲三百杯羅浮庾嶺獨登陟
元墓西溪頻往來飛鴻堂前老梅樹每歲春開花無數
主人與我忘形交偶歸卽約花間聚屈鐵離奇宛若龍
槎枒天矯苔紋封溶溶夜月冰花凍怗怗春雲璫朶重
主賓旣醉輒聯句酒香花氣填吟胸此花種自順治之
乙未花壽今已百十四聞說詩翁親爲栽寧因健步遠
移至

梅爲姚老斂
先生手植

翁去仙山花尙存鶴栖琴薦成埃塵

不知幾墮俗人手始屬清河賢主人主人雅興眼中少
往往弦觴直達曉今年花盛倍往年呼童預把三徑掃
此時孤棹滯湖壖筍輟正被雨風飄梅花已落客方歸

說有紅藤兩扣扉爲惜城南前約失轉嗟湖上遠行非
城南湖上花常有囑君采花多釀酒明年不向孤山遊
亟入名園酌大斗

里中尙齒會詩以香山二字爲落句韻

偶拂征塵憇故鄉卻陪老輩話同堂壺觴預擬蘭亭會
杖屨相等履道坊十資底須分祿米八還便是駐顏方
恰逢到處花都放飄瞥歸沾衣袖香

是日三月二日

老來狂興肯闌刪挈榼操瓢不放閑漫說蒯緱容客傲
祇應泉石恕吾頑匆匆假日宜投轄冉冉餘年好閉關
五嶽遍游腰腳健樊頭數點愛家山

題楊鳴軒遺照

山之高兮水之深泠泠七弦古人心山高水深邈無極
古人於此窮幽尋弘農先生有琴癖晚交亭林稱莫逆
雷氏之琴天下珍解囊出撫衆樂寂亭林指法妙入神
謂東城弟子無有傳其真弘農一見爲絕倒知音若此
顧處士寰中少因使能者寫爲圖依稀猶可窺襟抱若有人兮
挾琴游衆山皆響寒泉流九原到今不可作兩公之意
懸清秋

泖灣晚泊

繫纜荒村畔炊烟近晚生潮吞湖汊沒雲截夕陽平寥

落思前事淒涼話舊情濁醪如可醉且向短篷傾

時徐襄谷

述浙中舊游

一春

一春十日九風雨枝上花稀地上多三月逡巡愁裏過
遣愁可耐綠尊何

雨霽

暖風吹雨去日挂野塘西村犬迎人吹林鴉向客曉世
塗老更畏物理古難齊絕愛垂垂柳清陰已拂隄

老友朱堆山及門徐復堂張淥溪花農汪西村林
式如集餞春榮堂以春城無處不飛花分韻拈春

字

到家未爲久節序遂暮春明晨當首塗扁舟艤河濱故人知我行爲我洗壺尊爛煮林中筍堆槃羅多珍是時天積陰急雨鳴窓頻梨花白飛雪緋桃紅委塵譚深坐轉密酒醉情益親慨自唐宋來古法日淪墮

聖皇秉元化文昌燭青旻大樂奏明堂羣材就陶鈞吾黨二三子有作歸雅馴所媿余衰拙無能效斲輪光景良足惜鏃礪貴自新鴻文本六經正聲諧七均何憂萬牛毛中乏獨角麟願踵存處義勉旃循先民

去家日作

羣動皆有息吾老猶驅馳難繫一身而營八口資粗
能治章句謬推嫺文辭所至弄楮墨強顏爲人師開正
自場返旋之西湖潛甫歸又將行征衣塵還溜竈突尙
未黔遑問飽與饑左顧室中婦右撫膝下兒牽袂不忍
釋欲去仍遲遲念彼雲間翮大小常相隨而我獨何爲
頻年苦別離

舟行吳江道中見有夫婦鬻泥戽泥者憫其力作
之勞因紀以詩

夫鬻泥婦戽泥清晨撐舟至日西體塗臂酸不得息小
兒坐地守乳吮積得河泥滿田角更憂田草薶未足

吳中

以田草蘊河泥晒乾糞田最肥鬆敢辭辛苦一家勞但願豐穰五穀熟

楊柳陰濃桃花紅隣家妝束何恣恣盡言南陌嬉春去
豈知力作有村農村農力作無已時縣官賦稅有常期
今年蠲租拜

恩詔村村團社酒濕衣

卽目

菜花黃更麥苗肥春熟眞爲近歲稀吳中以菜麥爲春熟勤祝飄

師吹雨去夕陽村舍挂蓑衣

五龍橋

春水初生欲漲空五龍橋北雨濛濛數株楊柳參差綠

一樹桃花深淺紅風約酒帘荒塢外烟沉漁笛亂流中
盤閨燈火行將近可耐輕寒客偃篷

山塘夜泊

信宿山塘泊統如更鼓沉月光臨水動燈影隔林深獨
夜何能醉羈人祇費吟游船歸絡繹迢遞管弦音

重游西園歸源寺不到者五十二年矣

弱歲曾來此重尋已白頭金銀開傑構水木改前游

建時

羅漢堂俱非舊觀矣鐘寂齋初散茶香客暫留積陰今幸霽猶爲

曉風愁

自虎邱寺徧游山塘歸飲舟中作

片石千人坐清歌兩岸船雜花紅滿市新漲綠浮天漫
舉三生話還拈七祖禪倚篷須爛醉分袂已經年吳生同飲
橫陵訪戚繩武去世已五閱月矣爲詩哭之

隔年猶共載重憶倍沾巾綠酒成前夢黃壚幾故人總

帷空到地硯匣已封塵伯道千秋恨皇天太不仁去歲過此

同至毘陵飲於
潘敏惠第而別

學福齋詩集卷三十終

學福齋詩集卷三十一

雲間 沈大成 學子

竹西詩鈔

至揚次日江橙里邀遊湖上四絕句

窈窕湖山快嫩晴，傾城士女踏歌行。
畫船撐過紅橋去，無數緋桃映水明。

十丈香塵幾番風，挈舟強半道塗中。
到來已是春將盡，湖上鼠姑漸放紅。

一笑直教下蔡傾，粉光蕰澤若爲情。
貨郎擔子山前歇，競數所矩切青錢買化生。

茶董棋枰更酒尊春光到處與溫存回思前月餘杭道

細雨梅花欲斷魂

用蘇詩

次韻奉酬孟瓶菴銓部見懷二首

越王城畔一登船契濶相思有歲年鄉國雖拋千里外
客心常繫五雲邊近來不乏遊山作老去仍多懷舊篇
絕意荔支風味美幾時把櫂復沿緣

清郎才望子雲如畫省香鑪倖直餘嶺表雙旌瞻奉使
雲端一札慰離居朝班曉入猶操管邸第宵歸祇勘書
蚤晚陳情看便養朱轡江郡擁銅魚

客緒

獨夜何能曉殘春卻似秋有書堪取讀無酒爲驅愁著
雨花沾幙從風燕入樓喜聞江上信歸棹過蘇州

鏡湖春歌

會稽童北硯蓄有其鄉名酒色清而味冽飲之
四體暢適若就暖日而披和風爲之字曰鏡湖
春而繫以歌

我昔策馬游并州索郎酒美濃如油中年繫舟滄州郭
大甕滿盛

是貞切

紅虎魄二酒洵爲天下無容易入手供

客娛南娛積歲留閩粵離支蓮須傾杵盃

廣東荔支酒
福建蓮須酒

土人皆雜
以燒春

譬如評泊羣窈窕敦洽寧竝秦羅敷揭來邗

江逾十載賓筵酬酢木瓜在

揚州木瓜酒最劣而俗尚之

木瓜著水

啜其醕味薄足使邯鄲圍不知揚州獨嗜此自謂杜康
後無比酒糾喧呶觴政苛沈湎流禍庸有豸世間好尚
故不同皇萼偏入里人耳今年邂逅遇童恢殷勤手圻
紅泥開挽將鏡水千層碧一一瀉入流霞杯氣清色正
香而醇飲之煦若東風溫一醉頓令惆悵失四時常覺
陽和春我繼劉伶爲作頌六官酒正施神用客倦便當
上市游相從浮白臨江樓

立夏日

紅藥初開紫燕飛麥秋才至柘陰肥鶯花異地雖堪戀

櫻筍家山未得歸爲遣日長芟舊句慚因嶽近覓生衣
羨它漁父清江上安穩垂綸坐釣磯

陳笠山采芝圖

誰爲髯翁寫此圖髯翁風采蕭灑絕世無兩顴紺紅雙
瞳綠垂垂過腹長白須誰爲此圖來補景欲從絹素闢
幽境上有撐空千尺之雲松下有回流百折之石淙伴
翁更著一雙鶴清唳往往來長風希兮夷兮澹泊無爲
心治澄之切白業手翫紫芝豈學老成子抑慕陸甫里超
然燕處人海中蒼顏有力敵蒼兕翁壽今年七十又益
八綿綿谷神守不失肯使中黃役六塵能令虛白生一

室問翁致此何以然翁言我唯動靜安其天少走四方

不停脚垂老猶上

是掌切

吳江鴨嘴船往來邗上踏紅橋

都籃小榼恒消搖雨牕每共故人話花市還將我輩招

自數

所計切

平生半天下水則挈舟陸馳馬入楚一登黃

鶴樓載酒去爲陵雲游熨烟瘴雨俱不畏橐筆直至天

南頭天南萬里昆明池行空金馬翔碧雞五色佛桑花

開大如扇鷓鴣不住晝夜林間唳鴻迹蠶叢時最久幾

番榮落錦官柳秋高雲淨大小峨太古積雪照戶牖芙

蓉幙府諸侯客回首

先立切

年猶一昔歸來築室胥江

邊猶有負郭可耕之稻田無事看花兼命酒如翁所履

何減棱嚴地行

胡孟切

仙地行仙人豈易得此翁此圖俱

奇特卷圖還翁綴長歌行當覓醉羅含宅登筵連吸三百黃金卮看翁援筆起和樂天自題寫真詩

武林梁午樓施靜芳四明萬近蓬邱東湖同舟北去路出廣陵其鄉人邵見川餞于柳塘旅舍韓念齋羅兩峰繼至兩峰爲畫柳塘話別圖而余偕諸君各題一詩

蕪城城南南柳巷

胡降切

朋簪會送偕來衆良友過此將

北行東陵主人拍瑤甕梁兄萬兄宿如膠邱兄浙中亦舊交施兄握手恨見晚同舟此日弭蘭橈在坐復遇韓

與羅一時吟侶年少多獨有老夫雙鬢白不勝

書蒸切 枯

杓衰顏酡或赴京師或齊魯或留下相眺西楚王家營

子車駕轅臺莊河畔舟停艣

梁邱兩兄於王家營僱車北去萬兄臺兒莊走陸往

齊河唯施至宿遷而止

忽漫相逢是別筵

用杜句

從今梁月各分天

豈甘鹿豕常教聚但看蛩驢亦覺憐羅兄善畫精六法

酒酣捉筆蘸墨汁爲寫柳塘話別圖移將柳色入行笈

柳塘新綠罨書堂一架藤陰過雨香諸君且緩歌驪起

再共花前倒玉觴

洋楓行江津亭屬賦

洋楓之奇來何方高檣大碇拂扶桑鮫人海若不敢奪

天吳紫鳳走遁藏曰此產自長崎島枝秀根蟠老而姣
從來尚葉不尚花葉圻還勝翦刻好我聞楓落吳江冷
又稱霜葉紅於二月花獨有洋楓種最異秋如綠柳春
如霞當綠翻紅紅卻綠不與江楓相徵逐微物能操造
化權看朱成碧驚凡俗天桃豔杏滿園紅洋楓也復翔
春風照灼轉因纖雨潤嬌酣更愛斜陽籠我昔南中始
覩此近年漸驚山塘市廣陵花翁偶載歸一時聲價高
無比老友聿亭買種朱用切之春來放葉闕芳非豈借相
公袍上紫還欺美女口邊脂聿亭好事尤好客每向花
陰施茵席主人旣醉客亦醺洋楓與客顏俱赤肯辭百

蜀紅螺杯停車點筆胡爲哉莫嗤梵志因緣幻曾笑麻

姑狡獪來

麻姑擲米于地皆成丹沙

題邵見川南湖草堂詩集

草堂在何所一片南湖明南湖足魚鳥漁燈亂繁星庭
心秋月白屋角春山青俯仰入畫本消搖逗吟情吾友
澹蕩人嗜古研墳經斯須埽千言橫海掣長鯨強韻赴
奇辭列缺奔迅霆武林諸耆宿槃敦羅羣英相從筆硯
間其結鷗鷺盟近歲偶出遊晞髮廣陵城勝士輒把臂
名流咸服膺留滯不能去翕然以詩稱寓舍亦閑雅小
樓面柳汀垂垂濯雨色深深流禽聲故鄉往來者蘭櫂

每爲停長謠兼短詠大瓢及巨觥袁虎久知推劉伶竟
不醒鈔胄裒成集篇什以歲增吾觀晚唐世其風肆以
清尤愛是邵謁有作殊錚錚天地如掌濶邵詩下第五
有感句
字令人驚君才足繼之浩蕩陵滄溟況生當虞唐元音
叶雲礪幾時偕君歸南湖同揚舲一篇酌一杯狂飲倒
餅罌春風吹我面伸脚眠雲屏

吳曉山自鏡圖

爲別十二年復此廣陵聚吾老垂七旬君亦四十五握
手相視笑朱顏失前覩猶憶初逢君江淮發運所樊籠
苦局促朝莫聽衙鼓回首宛夢中飛光不可跼徵君去

道山

謂惠松厓三兄

府主歸齊魯

謂盧雅雨都轉

飄泊多新愁零落少

舊侶初夏宿雨晴紅藥爛芳園幸逢故人來契濶快一吐滿酌名花前縱飲忘小戶中坐展此圖披卷接睂宇
峩峩西神山幽人所游處而乃見鏡內呼之出可語自
監勝監人此意良足取光陰直隙駒功名亦腐鼠何如
水月觀無相味法乳

題范紫庭洞庭游草

昔游洞庭詩我愛皮與陸皮如捕長蛇率然不可逐陸
如蓄奇珍珠玉塞於櫝太湖三萬六千頃一一瀉入胸
懷間用太白句後有繼者誰氏子紫庭范兄詩百篇風雲變

態乾端坤倪怪物恍忽蛟鼉奔馳莫釐縹緲高無極七
十二峰翠雲滴盡驅入筆鑄鴻詞靈威丈人惜不得范
兄曠代才青袍毳毼困塵埃伯樂徒逢太行坂郭隗未
上黃金臺別部司馬今時傑緇衣好賢禮無失孝綽孝
威在門墻指揮塵尾紛玉屑春秋佳日每出游萬笏瓏
玲恣超越境過時移昔夢非毛公壇下落花飛而今重
把驚人句對酒閑吟有所思

水南花墅芍藥歌

廣陵芍藥天下奇自宋以來豔稱之便門城外渡河去
方廣十畝花萬枝鶴亭光祿花主人年年於此娛嘉賓

枝藜共趁軟脚局，擲節還催婪尾春。襲香亭子面芳園，

尙書大筆墨光舞。

禾中錢香樹先生來觀署勝

亦有德州盧使君。

謂雅

兩都轉

婆娑花側酣青尊，一時良會傳邗上。魏公之後世，

無雨年去年來聚散頻。相思有夢花無恙，今年花更盛，

往年朱棚高架蘆簾懸。浩態狂香望不極，黃絲碧股交

加妍。若髻若冠若彩纈，花王手把雜繒裂。就中百朶獨

駢頭，竝萼重跗縹雙結。燕瘦環肥妬比肩，楚娃宋豔嬌

成列。玉槃金帶銀含棱，婀娜參差弱不勝。

書丞切

嫩白畧

因月色襯深紅最愛日，華烝橫鋪錦障周。庭宇直潑濃

芬到檻楹，曾聞花品凡廿九。

見宋王觀荷葉譜

茲園佳種滿人

口競爲洗句粲珠沉復追歡羅舟卣紛吾猶憶臨豐
臺細轂香車流水來前遊過眼便陳迹有酒不飲胡爲
哉

韓念齋餉益元酒醉中走筆謝之

吾老百無營晨夕祇耽酒畢卓可比隣劉伶引爲友舍
此更何嗜一編常在手灑然神氣清丹墨役左右邂逅
遇韓君欣慕蓋已久言易崇九師論才陵八斗知予暱
麴生長須挾之走翠瓷陳前楹香氣達旁牖呼童拆封
泥一甌盡一口敷腴與芳烈退舍皆居後錫名曰益元
飲之致遐壽昆崙交陰陽壹壹結牝牡古之養生人綿

綿中自守吾觀夸毗流好惡失妍醜何須咍鸞鳩亦莫
叱雞狗舉體耐沓拖吐辭等臭膚時時棘在心往往柳
生肘君有海上方可能起之否當知俗難醫蘭槐已漸
切子廉滌不如引深杯閉關免客咎醒卽讀我書庶幾避
羣喉君酒美故醇君情抑何厚醉吟聊報君狂言豈瓊
玖

陳見山把酒話桑麻圖

吾愛孟襄陽能知農家樂斐然五言詩野興得崖略青
山媚綠樹春風扇幽壑閑閑桑田寬天叟解束縛故人
偶來集何必定前約雞黍具樂餐村醞開甕酌鬢髮盡

科頭箕踞或赤脚禮豈我輩設放意各自若歲豐侍宿
春時清靜宵析今年晴雨調新絲又滿篋幸有老瓦盆
勝彼銀鑿落一醉不知醒夕陽在林薄

哭程綿莊徵君

我生寡兄弟風義最所厚烏嘯我綿莊相期圖不朽定
交四十年歲月亦已久一旦赴忽來驚起顏爲愀寢門
遙哭之哀慘動左右憶自庚戌秋秣陵初握手其時開
志局羣賢方輻湊我師宮允公

黃唐堂先生

稱君才希有挑

鐙共論文往往月轉牖氣盛爲物忌未免叢犬嗾拂衣
吾旋行從此四方走河山雖契濶說君常在口已卯遇

蕪城皤然已皓首舊雨幸聯牀重聚洵非偶未幾別我
歸夢懸長干柳更念壬午冬風雪苦雜蹂余自攝山來
書堂酌大斗始得晤仲氏墳篋快擊扣詎意永訣期卽
在五年後宿昔夢見君贈我墨光黝曰此可寫經珍重
比瓊玖去春夢中所見如此自顧學殖落衰鈍媿誦帚烏曄彼蒼
昊奪我同心友吾友治六藝探索窮淵藪啓蒙快發藥
砭愚捷炷灸從學得規繩如農除蘆莠所嗟珠終遺其
嘆玉未剖陵厲阻風雲栖遲老畎畝江雲何慘悽春風
亦颼颼示疾遽反直不得躋遐壽恨未視歛含誓當送
輅輶作詩攄吾哀累德忘八九魂兮歸來乎冥漠知之

否

偶成

大麥初收小麥黃
鎌耞蚤晚望登場
喜它連日天晴美
贏得村村餅餌香

縑車晨夕不知忙
織出春綢加樣長
容易蠶絲今歲熟
村姑也擬換衣裳

學福齋詩集卷三十一終

學福齋詩集卷三十二

雲間 沈大成 學子

竹西詩鈔

盛夏與閔玉井張看雲凌叔子汪對琴江橙里程

筠榭集夢公禪室分禪字

小軒翳灌木微風鳴涼蟬牆陰立脩竹交翠何娟娟牀
敷怡容坐境地殊靜便翦蔬送軟飯試茗齏香泉心志
一以適塵慮都唐捐況遇秉拂人相與話枯禪乃知契
無生香火種宿緣護持貝葉文勝彼珍珠船

余方求夢公補錄華

嚴疏鈔

寓目

不分陌上與湖濱
船趁風狂煞鬧人
同是蝶蜂飛不去
吹來罨網化爲塵

題楊柳汀聽鶯圖

柳外鶯聲歷歷圓
芳洲一片綠遮天
禁烟時節晴兼雨
中酒心情歲復年
吟策每從婪尾宴
笛牀閑上櫺頭船
近聞更學無生法
好逐迦陵證二禪

兄與南屏恒
公爲方外交

晴綺軒種桂以影高羣木上香滿一輪中
分韻得影字

秋半天宇清書堂萬籟靜誰移廣寒花爲種
幽人境培

壅添肥泥束縛解短綆扶疎傍藥欄低亞近竹町昨宵
西風生物意覺悽冷黃雪看滿庭禪悟吾微領常儀殊
多情婆娑數枝影亟呼旨酒來花底共醅酹塵鞅苦局
促詩囿決馳騁舉似無言師當知亦首肯

姚梅岑卻埽圖

曉來零露濕人衣滿眼秋光在翠微呼取奚童縛雙帚
纖塵不使到山扉

吳中姚合是詩人宵眇孤清句有神移得石湖烟景好
故應絕勝廣陵春

街南指點寓公家門外頻來載酒車爲是西山牽客夢

倩儂添寫蜜梅花

中秋前四日鶴亭主人招同蔣春農舍人黃北垞

上舍集翠玲瓏閣分麻韻

夕陽西下散林鴉舊侶相逢盡作家促坐細傾桑落酒

廣庭正放木樨花青編點勘名心在

余方治三禮

白髮婆娑

燭影斜爲怕中秋時節近老來吟興已全賒

倚闌簡橙里

秋來寂寞兼愁病隨意招尋一倚闌殘日漸移林影瘦

晚風已送雁聲寒旅情聊借繡經遣

余近閱華嚴清涼疏鈔

老態

何堪攬鏡看聞說黃花新滿徑可容把酒共清歡

徐莼農齋中菊花盛開同人集飲分韻

秋來頻過戶常扃今日歡同醉淥鄴正好黃花堪插鬢
相看白首快忘形茱萸節近添鄉思鴻雁聲多動客聽
倚徧畫闌天欲暝蒼然暮色冷中庭

余畏寒先歸

題及門王

汝嘉汝璧

長水讀書圖并送其行

太原兩王生及見襁褓時其仲產嶺表季毓閩江湄桓
桓中丞公緹油奉光儀主賓而骨肉小名亦見諮洎公
罷鎮曰余偕

朝京師司寇有幼女

謂錢香樹先生

余實爲行媒許字公季子

具禮唯儷皮公旋去藩浙逾月傷騎箕泣送入巴蜀藐

孤俱孩提旋來僑濡須未久仍還西吾友曹子京萬里
往視之因留爲授經學成方辭歸爲言兩生雋復始當
非遲夔府懸劔外消息遠不知生平感恩分馬策有餘
哀中丞峙清節其家貧難措季子年旣冠來禾就昏期
奉母暨仲兄蒼頭數輩隨司寇敦風義分宅更給炊兩
生能刻苦下帷難膏脂司寇匠石手朝夕爲提撕以余
備父執亦從問文辭嘖嘖羨競爽取科若摘髭仲氏居
解首季子登銓師去夏乞省覲還禾被錦衣今茲將假
滿侍親趨紫薇仲氏返銅梁脊令暫分飛言念來禾中
八稔奄以移寫爲讀書圖燈火宛依依豈伊識鴻雪跨

騰由于斯維舟過訪我黃花爛客籬出圖索題句藉以
慰歌驪叙舊兼述情中多難辛詞紹先勉持正指顧翔
旌麾文章與勛業軾轍起峨嵋詩就話寧盡月落鳴晨
雞欲挽長江水瀉入將離杯

九日風雨兩王生暨秀水錢承叔過學福齋話別
風雨重陽客欲行且浮桑落話離情一帆去上黃牛峽
雙騎看臨丹鳳城時士會還蜀鎮之承叔赴京師鏡髮玲瓏餘老健籬
花細瘦自孤清前期未定知何地愁聽雲邊過雁聲

喜武林陳禮門至

高閣昔爲別懷君直到今相看容鬢改不覺歲年深日

向初冬瘦雲移一院陰等思舊朋好把酒爲沉吟謂往年游

杭同集西爽閣之張漱石顧九峰及家鶴年兄今俱下世矣

魏塘孫竹尹進士枉贈古詩三百字依韻奉酬

我生窮海濱嗜古由私淑蒲縻切農力石田作輟苦斷

續所幸有師承先民遺軌躅寢饋數卷書出入萬徧讀

六藝之於人若生食九穀注疏爲學基衆咻我則獨揮

霍百氏間雄屯中樹纛慨自爲饑驅逡巡去家塾操術

與時殊思之亦已熟是宜觸牴牾神交託綿邈老益研

易爰憂患怵耳目頗知洗心藏不待勅著卜趨營況赦

懼干進亦胸縮豈伊因人熱顧乃代匠斲竭來滯南淮

卻歸偃老屋曷求十漿饋寧倚一漑沃世或輕如塵蒙

自寶若珏今晨鵲聲喜蹙然高賢足縱譚及墳經稟飫

厭於艷切所欲蕭灑有道姿戍削睂宇綠辱遺大篇詩攔

猛森棘稍與藥同我將繼荒言武夫效良玉君也才疇敵

後身定金粟夜靜取長吟寒牕屢翦燭晒彼喁于流獮

雜真碌碌魏塘舊雨多曹查皆名宿謂六圃香雨以君參其

列嚶鳴而松謾何當罄客囊盡以歸敝簾庶幾奇珍盈

可使垢塗撲同志斯曰友切磋覬忠告姑沃切

奉懷盧雅雨使君卽次石芝園原韻四首

憶陪游宴習池頭烟景紅橋爛漫收翠竿花前渾忘客

畫船月底不知秋書紉善本丹鉛滿

使君所梓諸書每與讐校梅繞

孤亭水石幽

運署官梅亭使君所建

一自公歸淹歲月杜郎蓬迹

尚揚州

大雅扶輪自足矜風流宏獎至今稱驪珠獨得千人廢
虎脊平超萬馬騰鳩杖精神應更健雞林聲價幾回增
相逢東魯諸生說

聖代詞華哲匠能

解組蕭閑池館開偶然行散踏蒼苔游魚幾隊浮波出
舞鶴一雙入座來勝引分題頻擊節故人話舊漫銜杯
耄年好學知猶昔掩卷書牕晷景頽

珍重琉璃翦燭看菊花枝上露珠圓十年曾下陳蕃榻
半世空傳子夏冠黃妳夙耽埋竹素白頭相望阻林巒
懸知亦念栖遲者客館悽清獨倚闌

張惕菴寄情巖壑圖

雲壑留情客意閑頻年吟夢落柴關紅橋柳色饒伊媼
那及西湖面面山

攬勝西湖天下無山光人影入清娛岳墳向後皆岩洞
奇石撐空不可摹

收拾名山入畫圖先生雅尙與人殊何當更寫清溪曲
添種梅花一萬株

張籍詩名噪剡中襟期豪上氣如虹豈知絕愛佳山水
酒殘當前不放空

冬夜集汪蘅圃菰芳書屋四絕句

高齋勝引洽清歡漉漉蟾痕去曲闌綵樹轉燈絲管沸
不知簾外曉霜寒

舊雨新從海上來謂凌叔子主人爲洗夜光杯老夫飲興今

宵倍不必當筵羯鼓催

鄭驛郇厨丁部書秦亭詩老話非虛謂杭堇浦太史自慚入座

龍鍾甚與輟車公如不如

臚膊雞聲天欲明留髡送客不教行從來文字留連處

別見殷勤投轄情

汪蘅圃花溪釣綸圖

襪襪天天桃花紅弱柳依依嬌春風正當年光堪賞處
偶來谿上敷裯重敷裯宴坐對溪水綠波回回流未已
至人委運意自舒濠梁之樂乃若此況有衣緋玉雪兒
垂綸也復閑來嬉何必任公擗巨犢筵筵赤鯿方揚鬣
吾欲廣張三千六百釣詹何顧之哆口笑北冥有魚名
爲鯤天地變化陵青雲

輓管平原夫人

平陵梁鴻妻襄陽德公嫂有煒垂史編焯然立嬭道烏

皇朝詩林卷之三
嘯管夫人徽華堪遠紹堂上奉姑嫜春暉熙寸草閨中
自爲相琴瑟敦靜好吾友樂翬邇尊素守矯矯手析髮
絲絲慈雲捕指爪瞿夷有宿因芬陀爲環繞方期如鵲
鰈比肩以皆老詎知晉之年須女掩雲表蓬洲何迢迢
弱水何淼淼紫簫音竟沉青鳥信終杳吾友伉儷篤哀
思纏幽抱入室憶所歷魚目開難曉安得托彩毫爲誄
題素旄庶幾班謝名後世得有攸

張一峰觀察楓林晚坐圖

清河觀察楨榦姿起家爲郎爲羽儀落筆競推張水部
揚扢風雅驅文辭使星入蜀昔叱馭塞帷持節天南路

瀘江水碧大峨青蠻烽銷盡留甘澍迴翔畫省偶爲圖
楓柏霜酣紅而腴夕陽西下深掩暎橫施錦障千流蘇
從來秋入詩人意停車容與宜吟事因憶江南黃葉村
絹素漠漠開烟痕

龍池鯽歌

魚之名鯽者莊子外物篇所謂鮒也陸氏埤雅
曰此魚好旅行吹沫如星以相卽故謂之鯽以
相附故謂之鮒羅氏爾雅翼曰鮒鱣也今作鯽
龍池之鯽產于六合長徑尺腹碩而脊隆網不
多得一尾直白金二十四銖異味也余不嘗者

五十餘年矣寒夜雪中鶴亭主人分減見饋自
六合至揚蓋二百里縱之入盆噉啜自若遂付
厨烹之招友共食而疏之又從而賦之

靈巖山陽白龍池中有神物不敢窺風雨變化產金鯽
腹腴脩凸甘而肥常時獻者觸龍怒辟歷往往隨人馳
歲寒霜雪老龍蟄罾網乃敢臨淵施一尾入市一金直
物少嗜衆宜居奇猶憶童時侍膝下闌干苜蓿同嘗之
康熙甲午先君子爲
六合學官余隨侍荏苒五十有餘載食指雖動杳難
期今茲中孚交卦氣旅館大雪飛如筵老夫瑟縮蠶在
繭忽見銀鹿褰書帷素鱗翕翕眼猶動柳枝脫葉橫穿

腮曰此良友自遠致主人相饋佐酒卮縱之益盎始圍
圍斗升之水亦揚鬚金璽玉鱸吾所欲竈觚況復勞相
思亟呼饗人煮冰水水以蔥兼薑桂滋上箸白於剖良
玉沾唇膩若含凝脂尤愛魚腦及魚尾水晶碎嚼吞膠
飴巷南同志招共食

謂武林陳禮門
天都徐桐笠璞

既醉捉筆還爲詩

馮煖彈鋏古無取蒙莊涸澌亦足嗤樂王羊舌皆何在

且徵昏禮觀爻辭

春秋晉臣有樂王魴羊古魴士
昏禮魚用魴周易井谷射魴

武林嚴果亭別去十載丁亥歲暮重晤廣陵出酒

共酌以歸耕圖索題因爲敘舊拊今牽連書之

契濶遂十載直如參與商我每至西泠君已先束裝近

聞入幕府未免形迹妨今日始握笑邂逅仍它鄉念此

別殊久道路阻以長萍蹤喜相遇柰又迫河梁

兄以歲暮將歸

我髮竟全白君鬢猶半蒼尋思故儕輩驚歎迴中腸

謂施

竹田張果

吾友老詞伯夙登作者堂健筆挽牛弩萬馬

失騰驤因請誦佳句金石間笙簧呼童展巨卷錦贖爛

生光曰此歸耕圖屬余書左方吾友才匡濟顧乃志農

桑南陌挂短策中田立新秧幸際伊耆時耕鑿率其常

載耘而載耔畛塲栖餘糧汜勝書可寶地員篇最詳樂

莫田家樂我亦神揚揚過庭況令子譽聞起圭璋弱冠

卽仕宦簡雲排天閭順適解翁意咄嗟羅酒漿勝引同

時集

謂汪槐塘徵君姚素山比部家椒園廉使

相與銜杯觴既醉備五福太

平共翱翔矢詩我不多卽事成篇章自今歲其有詒穀

壽而康

故盛京將軍新柱公挽詞

鎖鑰神京倚何期隕大星姓名鐫琬琰勛伐爛丹青閩

粵謳思永荆湘涕淚零

公曾鎮福建兼攝巡撫及總督湖廣兩廣

悲風吹大

樹蕭颯不堪聽

回憶三山日頻邀共論文禮加徐孺子

用杜句

義重信陵

君鬪酒須杯滿投壺盡夜分西州餘馬策何處哭公墳

奉諱還京日曾經暗水濱殷勤勞慰問感激忘

讀去聲沉

淪豈意臨江別長爲隔世人征南恩分少尊憶欲沾巾

公於福建任內奔太夫人喪路出揚州余迎陪舟次蒙公情渥如舊自此一別遂成永訣

舊客汪倫在

謂汪槐塘徵君

前游不可尋大江霜氣重絕塞海

雲深自此空彈鋏無能再鼓琴峴山埋片石千古幾知

音

學福齋詩集卷三十二終